


救劫回生

卷二

仁人君子好善為先廣傳
神訓功德無邊所刊實事足植
心田勿置高擱致褻
聖仙如或不閱請送他賢敬相
勸化福祿絲絲



救劫回生二卷目錄

闕聖帝君序

周公真人
雲遊大仙 聯詩

正陽帝君詩話

文昌帝君序

呂帝戒酒色財氣歌

郭仙戒奢華文

孚佑帝君序

普佑真人詩詞訓

萬大神詩話

文帝總旨

地官諭並詩話

周仙訓士子文

楊仙勸弟文

賜福天官諭

觀音大士詩

土神詩話八首

王元帥諭

巡查御史羅語

呂帝詩諭廿四首

武帝諭

羅姓罪犯詩話

文帝詩四三首

馬天君批語

周王二將軍詩話

救劫回生

卷二目錄

一

風陵文庫
文庫19
F325
2

F0325-(2)

王天君諭二篇

觀音大士詩並勸婦女守貞靜文

桂宮蘇仙諭

冰霜女勉孀婦守節盡孝教子文

雲遊仙詩五首

左伯侯詩並善惡報應文

司命詩文各一篇

呂帝為善最樂文
庸醫誤人堪輿輕葬惡報文

本宅土神語

定湘王詩刻薄貪財惡報文

雲遊仙戒酒詩

定湘王詩勉士文
謗聖毀賢妄駁正教文

雷天尊詩二首

甯遠縣土地易陰法無私文

呂帝歌訓各一篇

浙江上虞縣土地羅戒殺文

花神語

都市王刀筆淫詞離書揭帖惡文

關聖帝君序

人心不勸不善風俗不化不醜堯舜禹湯文武周孔皆勸化之人也詩書禮樂易象春秋皆勸化之書也而其大端總不外乎倫紀綱常而其切要總不出乎身心性命吾自漢室以來歷代飛鸞宣化言孝弟言忠信言禮義言廉恥無非欲勸轉人心化轉風俗使堯舜禹湯文武周孔之道不墜詩書禮樂易象春秋之旨常昭也迄

主極隆盛

帝道遐昌奈不孝不弟不忠不信之人出於其間上
梗王化無禮無義無廉無恥之人出於其間下
壞風化吾承

熙朝尊崇之極廟祀天下是以屢次助陣輔佐

皇猷而勸世之文降有千萬而勸化之任不敢告勞
也回生一書其文淺且顯其義深且微言言血
淚字字珠玉正吾為國救民之苦心也人見此
書而毀謗者是即阻吾之化也阻吾之化是即

阻

聖主之化也阻

聖主之化是即阻

上帝之化也阻

上帝之化是即自絕生路而歸之死路也苟有扶持世

道者代吾勸不孝者孝勸不弟者弟勸不忠者
忠勸不信者信勸無禮無義無廉無恥者而有
禮有義有廉有恥則吾亦為之化其水火化其
瘟疫化其刀兵人心於此善風俗於此醕共享

敢敢

昇平同登壽域庶是書亦足以見天地之造化
顯鬼神之變化助
盛世之王化也是為序

時

同治十年辛未十一月二十八日亥時統司三

曹關降著

文昌帝君序

感應陰騭覺世三篇為善書之
祖迄今通行天下舉世奉為寶
珍其有益於人心世道者多也
天朝景運興隆諸神接踵降筆各省
刊刻善書成林但文略而不備

義少條貫學士見之而多厭目
愚民讀之而每昏心自同治庚
午以至辛未吾與

關帝暨

呂帝諸仙諸神等費盡滿腔心血書
訂救劫回生本五倫以立言闡

六經之奧旨諄諄誥誥總是扭
轉人心懇懇叮嚀無非挽回世
道其中詩詞歌賦各集一類觀
者皆可淑其性而陶其情儻上
而朝廷下而閭巷悉皆得而遵
之與感應陰騭覺世而並壽焉

則亦足為

盛主化民之一助云是為序

時

同治十年辛未十一月二十八
日亥時九天開化文昌梓潼帝
君降著

孚佑帝君序

且夫天地一化機也鬼神一化境也天
地生人有上智有中材有下愚是
造化之功用不一也鬼神設教言性
命言因果言報應是宣化之意
旨不同也然而上智也中材也下愚

也質雖不一而其賦性則一也性命也
因果也報應也詞雖不同而其命義
則同也何也化上智而言性命化中
材而言因果化下愚而言報應使
深者見之而深淺者見之而淺也
深者見之而深淺者見之而淺是

欲化下愚而為中材化中材而為上
智也此書言性命而寓以因果言因果
而寓以報應可以化下愚亦可以化中
材可以化中材並可以化上智可以化
一家之下愚中材上智亦可以化天下
之下愚中材上智可以化一時之下愚

中材上智並可以化萬世之下愚中材
上智也妙哉晨鐘暮鼓洵振聵啟聵
之籌維也妙哉玉律金科洵覓世
牖民之籌畫也其他機耶其化境
耶其造化之功用耶其宣化之意
旨耶其文耶其詩耶其詞耶

其歌與賦耶何其勸人之深也何
其勸人之切也有令我見之而不能
言其妙也果能人人聽其勸人人
遵其化將見人心返乎醅樸風俗
復乎黃農天地於此位鬼神於
此甯也豈不休哉

出省

同治十年辛未十二月十三日亥時

金湖選仙孚佑帝君降著

文昌帝君勸化總旨

文昌帝君勸化總旨

天地一物耳。人生天地。亦天地中之一物耳。而體物不遺者。惟鬼神。是以鬼神之德為盛。夫鬼神既主宰天地。則元亨利貞天德也。即鬼神之德也。鬼神既造生人物。則仁義禮智性德也。亦即鬼神之德也。鬼神之德。人人具之。而不能人人盡之。故鬼神又生君相。以化一時之人心。生師儒。以化萬世之人心。乃得相安於無事之天。而默為之主。此中庸乃為聖賢道脈。首章天命

謂性。自天說到人。末章上天之載。自人說到天。其間入德工夫。成德效驗。皆以鬼神作關鍵也。後世人心不古。教化不遵。君臣父子之大綱漸紊。禮義廉恥之大德漸亡。有傷天地之和。致觸鬼神之怒。鬼神遂無端而變化。無端而顯靈。時而附託人身。時而附託乩筆。時而降之於廟。時而降之於庭。宣出文詞。以覺世。闡明道學。以牖民。一切因果報應之說。自此始矣。今時君相之化。非不行。而為士為民者。化多不遵。君相。師。儒。

之化。非不行。而為士為民者。化多不遵。師。儒。人心偷薄。風俗澆漓。奸盜邪淫之事。恬不自羞。貪婪狂妄之徒。到處皆是。無惑乎神道設教。諸仙不甯也。諸神不憚勞苦。救世飛鸞。勸人修德。由是以鬼神警之。指鬼神正。所以堅修德之心也。勸人敬鬼神。即以修德引之。勉修德。正所以盡鬼神之實也。况勸人戒奸淫。積因果。猶為修德之淺也。而其深必盡性致命。乃為德之至。必白明而誠。乃為德之至。必民吾同胞。物吾同與。乃

為德之至。勸人修廟宇。裝金容。猶為修德之顯也。而其微必屋漏無愧。乃可對乎鬼神。必衾影無欺。乃可對乎鬼神。必於不睹不聞之地。深恐惶。無聲無臭之表。有謹慎。乃可以對乎鬼神。世之人。不惟深焉者未盡。而淺焉者亦未盡。不惟微焉者未盡。而顯焉者亦未盡。穢氣冲天。黑烟滿地。是故

上帝震怒。迭降三災。水火所不及者。有瘟疫以降之。瘟疫所不及者。有刀兵以降之。諸神跪哭。

金闕請

旨開化。有由來矣。凡爾士民。苟能各修其德。並成人之德。成人之德。即所以盡鬼神之德也。由士而賢。而聖而天。由身而家而國而天下。天地於以位。萬物於以育。又何愁不景星慶雲安於其上。民康物阜安於其下。世界昇平。風俗淳古。而諸神仍復無事之位。羣黎共樂有道之天也。已時

同治十年辛未十二月二十戌時九天開化文昌梓

潼帝君降著

桂香宮楊仙勸弟文

今夫堯舜之道。孝弟而已矣。是知孝弟之事。可以為堯舜之事。孝弟之教。可以為治平之效也。明矣。聖人繼天立極。作君作師。無在不以明倫為重。亦無在不以孝弟為先。孝之與弟。實相連而相需。亦相因而相成也。且天下未有能為孝子。而不能為悌弟者。亦未有能為悌弟。而猶非孝子者。是孝弟之理。豈二物哉。吾試推言弟。五倫克盡。惟弟則居其間。八字無虧。惟弟則居其次。叙天倫之樂。誌美雁行。怡庭闈之歡。興

歌伯仲。徐行後長。履步之內。見天真。出必致恭。長幼之中。徵學問。聖賢之道。由此而企。倫紀之修。亦由此而造也。或爭財物而起釁。骨肉因而參商。或聽婦言而成讎。手足因而攻伐。獨不思長以十年。則兄事之。長以五年。則肩隨之。彼外人之長於我者。猶必敬之重之。且必曰。長幼之節。不可廢焉矣。而以同胞之氣誼。忍相踐踏。心安乎。由是而鬩牆致怨矣。雁序生傷者。而天倫於是乎沒矣。嗚呼。欺凌乃兄。不念先君長子。盾矛阿伯。竟忘我祖曾孫。義切同根。凌兄即以凌

己情深手足。滅弟因以滅親。不孝之罪。何莫非不弟者居之也。吾今降凡。因弟道之不明。大倫之不正。特繼孝而名之。曰。勸弟文。

三月初四夕

土神詩話 聯珠合璧費心裁。聖訓昭明日月開。能以堅功資晚節。心誠格處見蓬萊。土地萬文彬。授職賴天恩。所囑諸君話。切勿負叮嚀。呂帝降。孚佑帝君詩

嘯傲烟霞不計秋。湖南猶記舊時遊。新腔唱破乾坤秘。醉曲渾忘歲月週。大界茫茫隨步履。風塵落落任勾留。莫言詩話無文思。但是知人自點頭。

爾生等聽詩中最忌風流之句。有風流之詩。則心

必懷風流之意。有瀆聖賢。欲修晚節者。其知之少。時吾同文武二帝再臨。吾去。

王神報 準備迎駕 桂宮四佐相至 文帝至

十二樓中四帥至 武帝至 呂帝亦至

文帝詩

十七行修度眾生。勸忠錄孝大裁成。桂宮賞罰原天
降。杏苑升登總善榮。德積冥冥昌後嗣。功完屢屢固
前程。福田廣種無他術。陰騭一篇百世耕。
宛轉歌文簡淡詩。此中意味最希奇。但尋內有驚人

句。何必多添助語辭。世態風華趨俗套。我生氣骨鮮
真知。自來得道須明志。勿以塵氛悞所之。

王天君諭

善哉善哉闔壇諸生。砥礪勤修。正己化人。復能同心
勩力。刊刻是書。非有悲憫之志。何能如此。聖帝為天
下生民。遍遊塵世。顯化飛鸞。消災救劫。三十年矣。而
求一實心體道。以揚化為心。以維世道為念者。卒不
數覩。今望生等。內而盡己。外而宣化。體聖帝之心。存
救世之志。較諸塵世愚人。非名不馳。非利不趨。則真

有徑庭之別。早白之異也。但須立一貞心。勿苟流俗。凡市井之言。毋庸聽信。譏訕之語。置若罔聞。呼馬應馬。呼牛應牛。方是奇男子。見識有為者。器量。吾今所囑諸生莫忘。

孚佑帝君諭 此壇玉帝賜名曰積慶壇。外籤只書救劫回生四字。但此稿內有謄訛者。有吾輩倉卒之間誤書者。爾等須合參校閱。將心左右前後細思之。妥帖方可改正。今夕吾輩奉玉旨再降別地。不暇更改。呵呵。此書將成。吾亦喜也。

桂宮蘇仙諭

爾與吾三帝君酌酒。各賜一杯。以表貞心。但贊襄此書者。不可以情面為之。污瀆爾等。即污瀆吾輩。尤甚。不可過於拘執。須從夫子之道。忠恕而已矣。生等努力助成此書。皆可得積善餘慶之報。此囑爾等送駕。

雲遊仙詩

茫茫花世界。渺渺嘆浮空。一局形今古。四時寫畫工。青山埋將相。黃土覆英雄。然則將何所。神仙自不同。

初八夕

土神詩話 脩善脩福在人心。心地栽培桂子林。
園廣種陰功樹。樹德務滋作護根。吾久奉帝命。
在此掃壇。今已將近完璧。生等均著有功於上。吾
亦稍沾三帝之雨露矣。可賀可賀。

呂帝申正降 再降酉正

孚佑帝君詩話 呵呵哈哈。酌酒酌酒。理事諸生。俟
吾多久。

善人不與俗人同。滿壇淑氣賽春風。有心救世存貞
志。無意邀功已積功。塵世茫茫難覺悟。芳名紀錄在

天宮。來壇再囑諸生等。勵德無疵造始終。

雲遊仙詩話

平旦清明見性天。從前過惡此昭然。立功改過惟遷
善。勿以凡區染俗緣。

訓易生 爾自今後。須遵聖訓。一事不可有違。妻
子教之孝順。兒女訓以義方。不可任其放蕩。爾可
知性相近。習相遠否。幼時不教。長何能教之。但父
慈子孝之說。慈在心也。嚴肅乃治家之本也。吾不
多囑。爾須聞一知十。爾再聽。行事居心。秉一

誠休將欺詐誤前程。如斯奇過須珍重。罪滅愆消
萬象生。此四語爾眾生亦可中聽否。吾自別
塵而後身伴呂帝學道。因心常不安。師問余曰。爾
身伴吾。何其俗心未退。余稟曰。因凡人不信。此仙
不信神明。未見其顯報昭然。故心不足也。師曰。爾
從吾遊。只有勸化之心。未有顯報之意。即將吾派
在王天君部下三載。果見人間私語。天聞若雷。毫
髮不爽。又派在溫天君部下三載。亦見善惡攸分。
吾方足此願矣。候二刻師至。

孚佑帝君詩

蓬壺裏內一天潭。渾渾圓圓復涵涵。眼不藏珠滑黑
白。心能覓寶識青藍。鎔金匪懈離旋北。訪道惟殷斗
指南。從此黃庭宜熟讀。好修靈舍好結庵。

訓易生 人生無不為財憂。我勸人生不必憂。命
裏有時終須有。何必出外苦辛求。

爾生等將此稿。照吾次序更正。隨何夕設壇稟。吾
校閱。不宜遲緩。再有事未週者。候此夕示。此後爾
等可安家神司命土地。吾此夕臨壇。不驚伊等。此

囑。

土神詩話 吾奉帝命。此別之後。不知何日再有會期。望爾等速辦此書。成功之日。看可一會否。吾略說幾句。生等記之。聚首猶未久。匆匆即別離。一壇清雅士。相遇何其遲。今朝雖阻隔。尤冀有會期。萬事分離苦。滴淚強吟詩。吾去也收。

十五夕

雲遊仙語 功曹捧稟到天庭。吾師伺候在通明。諸生可為有誠意。奉命來壇報事因。吾師現在五

帝駕前。與文武二帝。及太上道祖。並諸仙佛。演妙談元。再往靈霄寶殿。慶賀趙天君瑞誕。約在戌未。方可降此。

孚佑帝君語 吾來也。老仙一無詩詞。二無歌曲。念爾等一念之誠。吾不臨壇。爾等心必不安。吾閱此書稿。其中有未妥者。吾亦不能擅改。但勸世之詩文。非同尋常可比。爾等作文吟詩。以一題而貫之。勸世之語。或數句言一事者。或一句言數事者。深淺包藏。各有不同之意在內。故難改之。爾可知

否。

十六夕

雲遊仙語 奉命到來臨。諸生聽分明。誠心達上帝
司命下凡塵。酉初九天司命來壇。切不可輕褻
此諭。

九天司命府君詩

日依邇室似官衙。檢點秋毫較不差。潔淨寸心如燭
帛。光明一德勝香花。吉康每佑善人里。餘慶常臨孝
子家。漫說黃羊堪禱媚。朝朝屋漏燦雲霞。

勸敬竈文

夫竈為斯人之生氣。一家之生原。敬之則吉。褻之則
凶。其理真誠無貳。其報絲毫不爽。權衡紀錄。至月晦
彙奏通明。善惡昭彰。值歲終降於人世。暗室私語。吾
聞若雷。隱密否臧。無條不奏。竈之所權。其嚴若此。竈
之宜敬。人其知乎。何乃愚夫愚婦。不明敬竈之理。常
為褻竈之行。朝夕咒詛。輒怨憾於厨前。晦臘殺生。時
宰割於竈側。喂雞飼犬。狼籍米糧。敲金刮鍋。無端褻
瀆。逆父母而慢翁姑。時激予怒。煮牛犬而烹鰕鱔。令

我心惶少婦行月。妄自輕身竈前。惡婦欺天。時為咒盟厨下。種種弊端。難以備數。重重罪籍。實屬可嘆。吾今顯化飛鸞。普諭大眾。其各敬以持躬。無使司命奏惡。善以行己。自然上達通明。家庭和順。福祿駢臻。惡曜遠離。吉祥擁護。惟敬竈者得之也。爾世人其無背我九天司命之言。

吾奉玉旨來壇。降此數語。爾諸生錄刊書內。以為世之愚夫愚婦。作竈之箴規云。

節錄敬竈條規 宜與文參看

一忌穢物入竈中。一忌在竈前高聲大叫。嬉笑豔語。歌泣怒罵。一忌在竈上敲擊踐踏。亂掀亂撞。一忌器皿常放在地者。置竈上。一忌以足進竈口。及烘烤不淨衣服。小兒濕衣。一忌婦女對竈口坐。宜向側。一忌產婦及少婦行月。妄近井竈。妯娌宜代之。若萬不得已。宜自知敬。畏潔淨。一刮鍋忌日最多。惟每月逢十稍無礙。以上條規原難備載。總宜潔淨誠敬。蓋竈之所在。即神之所在。明者可即此類推。

本宅土神語 吾乃本宅土神。奉雲遊仙之命。在此伺候。呂帝將至。

孚佑帝君語 呵呵酒酒酒。醉時消愁遣悶。醒罷烏有。吾今來壇亦不多久。吾有五旨在身。來忙去速。爾等所問各件。明夕示知可。吾去。

本宅土神語 吾奉呂帝之命。伺候大士臨壇。爾等虔誠迎駕。

韋馱到 四大金剛到 仙童玉女到 冰霜仙女到

觀音大士詩

紫竹林中悟性修。金剛大士一源頭。慈悲廣濟閻浮路。法力宏撐浪裏舟。座擁蓮花春意淨。瓶飛柳絮佛光流。彌陀十萬無無盡。百億觀音徧部洲。

勸婦女宜守貞靜文

陰陽化生。乾坤定位。而男女別焉。男則主動。而女則主靜。靜也者。所以維坤德之醕。合光大於无疆。含正氣於不潰。其關係甚大。其謹守宜堅也。迺自坤道傾頽。陰教喪失。閨闈鮮幽靜之風。保持無堅貞之節。艷

粧粉飾。破世道之淫風。靡麗奢華。玷閨中之儀則。以故腥聞里黨。致遺臭於椿萱。穢播鄉閭。且染汚於昆季。嗟嗟世風之下也。坤貞之沒也。幽閒雅範。徒繫望於前人。淑女風微。亦罕覲於今日。良可悼已。其無勉乎。於戲。列傳稱揚。古今昭如日月。女儀式效。美德著於乾坤。貞愈固者。德愈純。靜無忝者。賢無塊。他日之孝順克敬。柔敬足式。而為女中之君子。坤道之完人。皆此貞靜培之。實自此操守貞靜成之也。吾願世之為女者。瑞謹以持身。清潔以修己。女德無虧。賢媛可

及。胥在是矣。勉之勉之。其以守貞靜為要。

韋馱神語。此文大士奉玉旨所降。爾諸生錄刊書內。以作勸婦女之箴規云。

冰霜仙女勉孀婦守節盡孝教子文。甚矣孀婦之難也。非松柏之操。則不能成節。非柔順之美。則不能事親。且非有義方之教。則不能全德。如此。則所謂節孝之譽。甚非可以易得也。嗟嗟是必美玉無瑕。而後節無虧。柔敬常存。而後孝無忝。教子義方。而後德可全。能乎此。則上不負朝廷旌表之恩。下

可立婦道坤維之範。皇天眷顧子孫昌達。鬼神呵護。災難潛消。其福報正非淺鮮也。而世之為孀婦者。竟有不然。幽獨有疵瑕。節乎。翁姑不承順。孝乎。有子任放縱。德乎。甚至聲名玷裂。逆慢時形。驕養不顧。吾甚為若輩惜。且為若輩悼也。今不忍特指孀婦而告之。曰。守節盡孝教子之三者。慎其龜勉以圖之。缺一焉不可也。

此篇大士命吾所作。亦可錄刊書後。吾生平所守者前三也。所習者文帝救劫寶訓也。爾諸生可知

之乎。帝君訓詞易於誦讀。曰。心不明來點甚燈。意不公平看甚經。大秤小斗吃甚素。不孝父母齋甚僧。妙藥難醫冤孽病。橫財不發命窮人。利己害人終促壽。積善修身蔭子孫。人惡人怕天不怕。人善人欺天不欺。暗中陰騭分明有。遠在兒孫近在身。說話莫談他人短。自短何會說與人。生事事生君莫怨。害人害人害汝休。嗔欺心折盡平生福。行短天教一世貧。爐中有火休添炭。扇遇涼時莫使風。臨危若不行方便。念盡彌陀總是空。

孚佑帝君語 此書爾等努力助成。今乃大比之年。若可傳之境外。則功德非淺矣。但書中字跡。恐有疑義者。可設壇問吾。自有指示。倘有無知無識。必狂之人。妄指吾輩之文理不通。爾等不須爭論。其文武二帝。及諸仙詩文。吾亦要問明。方可改正。恐有元妙在內。記之記之。

雲遊仙戒酒詩

酒醉如泥損精神。時人貪戀把壺傾。青年佳士甘為死。白髮雙親幾度春。紂主昏迷原喪國。點臣痴愛遂

亡身。古今多少英雄輩。願把屍骸葬土塵。

四月初二夕

土神語 肅靜肅靜。少刻雷天尊降。

九天應元雷聲普化天尊詩

渺渺茫茫現圓圈。一畫開天便是乾。陰陽定位分先後。坎離居中藏妙元。三十六宮皆春意。六十四數別有天。用力擊破方能見。便做長生不老仙。

發生萬物一聲雷。草木昆蟲能喚回。行錯陰陽天地駭。轟鳴霹靂風雨推。世間難教惟人類。頃刻悔過轉

瞬灰莫謂雷霆不徧殛。罪盈孽滿看虺虺。

雷天尊諭

夫雷者天之怒。地之奮。造化之所賴。以發生萬物者也。除宇宙之妖魔。維乾坤之正氣。魑魅魍魎。聞其聲則潛形。羣邪鬼精。懼其威。則逃避。其所不畏雷者。惟世間之人耳。當其夏令之時。陽氣發洩。號號方來。虺虺未已。霹靂一聲。山谷皆應。斯時逆子忤媳。貪夫婪輩。莫不駭然而驚。翻然而悔。曰。今而後誓不為惡矣。孰知電撤雲收。天晴雨罷。而惡念依然。惡心如舊。此

類奸徒。欺己欺天。非雷之不即誅。實體上帝好生之心。愛物之念。望其省悟也。乃世之奸徒。不知天恩之大。或積惡而未懼禍。猶欺天之不知。恃雷之不死。豈知罪貫惡盈。雷府號令。打魂擊魄。震碎靈氣。為蟲為蟻。萬劫不得復其人形。以償生平巨惡。以為世道龜鑑。如此之報。慘矣。慘矣。吾職居雷府。權秉罪籍。逆子忤媳。貪夫婪輩。魑魅魍魎。妖邪鬼精。經吾號令者。不勝其數。今復飛鸞開化。普諭世人。勿欺己欺神。上干天怒。若再怙惡不悛。欲逃天罰。終為雷霆所不恕也。

懍乎哉。

孚佑帝君詩

塵寰萬事了無涯。滾滾長江白浪沙。幻局無常波外月。浮生若夢鏡中花。茫茫顛倒皆圈套。朗朗循環總豆瓜。慧眼頻臨消罣碍。太空一氣化雲霞。

長安路上遇雲房。道果仙緣一擔當。頑石兼金皆數定。狀元宰相我親嘗。芒鞋踏破烟霞路。慧劍騰開翰墨場。世事茫茫何處所。而今猶怕熟黃梁。

孚佑帝君訓

吾自脫塵而後。嘯傲於江湖。詩酒於岳陽。雲遊之區。幾遍天下矣。然其心則未嘗一日不以蒼生為念。故或闡經文而明道。或顯異蹟以救民。或降飛鸞而示垂訓之文。或化他身而施覺悟之術。無非上體聖主子惠之心。下憫斯民沈溺之苦。其苦心亦良多矣。乃自庚子歲。因人心失良。世風不古。上帝考校天下善惡。見黑籍累累。帝心為之惻然。是以吾同二帝。跪奏通明。願邀諸神諸仙。飛鸞開化。勸醒世人。今栖栖者三十年矣。而斯人猶冥然也。嗚呼枉矣。而吾輩之心

終未已也。且如回生一書。二帝闡之。諸神彙之。吾亦不辭煩勞。邀約齊降。心之憂矣。其誰知之。其誰知之。且不特如此也。又如詩文歌話。各開面目。各出意見。恐人之艱其深也。則以他事比之。他物譬之。恐人之輕其淺也。則以道理裝之。以文藻佐之。務使智愚賢否。齊歸善道。其為文也。如賈長沙之上策。其為詩也。如杜少陵之悲秋。一片婆心。滿腔忠志。慇懃於世道者深矣。不居然經傳之旨意乎。扶持之階梯乎。人而有良。亦當知所向往。蒼生不負吾也。吾亦不負蒼生矣。吁嗟。

四月十四夕

土神語 吾是萬土神。相隔又數旬。爾等祝帝壽。我亦速來臨。本境周仙降。伺候當虔誠。

各土地到此伺候。魔王來也。

飛天魔王語 魔王下世遊。誰惹這番愁。赤子違天命。不了總不休。三帝飛鸞訓。望人速回頭。今朝祝聖壽。定然迓天府。今乃呂帝聖誕之期。爾生等得親祝其壽。真萬古奇緣也。少時花神到。吾去。

花神語 吾是百花神。奉命到鸞亭。周仙差下我。移
花祝帝君。前放琪花瑞草。後放翠柏蒼松。吉祥花
放在當中。一心專候呂仙翁。少刻周仙全雲遊
仙降。

普佑周公真人雲遊仙聯詩

眾神濟濟列班聯。周恭候老師慶壽筵。雲諸生何由
得此遇。誠心衝動九重天。雲

普佑周公真人詞

來往福地洞天。逍遙瀛洲閬苑。眼觀塵寰。彌漫令

我心遠。住着雲端。遠矚高瞻。青天覆乎上。紅日走忙
忙。野霧晴嵐。縹緲蒼茫。低頭望蒼江。回首見洞陽。山
山水水。不盡行藏。俄而陰雲合。時雨降。雷聲殷。電
影輝煌。回想先行光景。而今又是一樣。吁嗟乎。放眼
人寰事。當作如是觀。放眼人寰事。當作如是觀。

純陽老師來也

孚佑帝君歌

日照花廳。淡影瓏玲。芝蘭滿庭。中有老人星。說詩話。
點藍青。也不演黃庭經。玉液未醒酒兒停。醉筆寫空

靈清風繞翠屏。絕妙今斯境。醉翁亭。繞繞塵寰夢客。
茫茫宇宙皆空。惟有為善。快樂無窮。樂無窮。只待滿
厥躬。幢幡寶蓋。五女金童。跨鶴兒。引上蓬萊峰。這個
峰。迥不同。地無寒暑。時無秋冬。常栽琪花瑞草。時看
翠竹青松。倦來卿媛走。散步廣寒宮。玉液瓊漿。不時
飲席中。這些快樂。專等為善翁。為善翁。行處逢。呵呵
却在善壇中。賜酒三鍾。預賀先容。呀呀。這都是為善
能始終。老仙到此。結仙蹤。一朝佳音到。攜手蓬萊峰。
攜手蓬萊峰。

孚佑帝君詩

夢入黃梁五十期。狀元宰相不多時。雲房引我金丹
路。茅舍別開碧玉池。萬變身騰歸幻境。千番愁苦盡
殘茶。流連往事皆如昨。聊述前因小咏詩。

詩因喜事興如梭。筆走風雷話最多。丹鳳朝陽迎旭
日。火蛇逢旦報清和。良緣得際真奇遇。勝會相邀伴
大羅。消息都詮言意外。彈絃再唱醒人歌。

戒酒色財氣歌

茫茫四海悠悠九州。幾人清閒幾人愁。清閒的漁樵

農圃志不妄求。樵子過山唱短曲。牧童吹簫穩跨牛。
溪邊老叟坐觀泉流。無慮無憂。到像世外遊。迢種清
福。因不罣名利關頭。清閒自在。快樂優游。莫笑他只
有拙志。缺少深謀。他纔是有志氣。不肯吞鉤。君不見
五都六市。三教九流。有些為財奔走。離鄉遠遊。衣食
寬寬有。刻刻苦憂愁。吞盡天下財。枉把兒孫作馬牛。
只知道石崇巨富。那知道綠珠墜樓。說甚麼高樓大
厦。說甚麼玉盞金甌。不見阿房宮。一炬化土邱。想到
此。財字一筆勾。又有等逞雄恃勢。陰險奸謀。你看那

項籍恃強橫。梟兵百萬有。運退時。何能據鴻溝。韓信
占三齊。爵顯淮陰侯。又誰知陳平設詭計。未央早斷
頭。這都是爭強使氣。概用機謀。到頭來。幾個得長久。
還有等爭強鬪氣。很結冤仇。無了無休。一朝大數盡。
南北山上土一邱。想到此。氣字一筆勾。又有等狂徒
偽士。自命風流。效才子佳人。跨鳳秦樓。拴不住意馬
心猿。時貪着巫山楚岫。名黜金榜。籍削玉樓。傷盡元
氣。靈丹難療。真箇是自尋死路。不待閻羅把筆勾。君
不見吳宮西子。姣美無儔。夫差惑其志。姑蘇麋鹿遊

想到此。色字一筆勾。又有等聰明才智。與酒為儔。貪
杯戀醜。不醉不休。妄說斗酒百篇。還效竹林七友。沈
酒濫飲。性命難留。酒病纏綿。一旦休。想到此。酒字一
筆勾。宇宙如深淵。世人似魚遊。酒色財氣。便是釣鈎。
見多少聰明伶俐。向前吞鈎。明明指點。到一個個擺
尾搖頭。上流不走。偏往釣灘遊。惜只惜。一世人。忍
付東流。世人聽吾語。急早快回頭。修善積德。定迓天
庥。定迓天庥。

普佑周公真人訓

嗚呼。紅塵滾滾。嘆世局之無常。白浪滔滔。嗟斯人之
不醒。取名富貴戲一場。轉眼鐘息鼓罷。勢利榮華花
三徑。回首葉落枝零。美色是骷髏。姣姿何異餓鬼。枉
財如刀劍。貪酷孰免亡身。刻薄成家。種他年跪賣之
果。凶橫逞勢。積異日卑賤之因。假刀筆以殺人。終身
落寞。因放財而射利。畢世禍殃。斗秤不公平。冥冥之
刑誅莫爽。貿易行奸詐。歷歷之報應不差。債借風流
借債定然還債。冤結海岸。結冤且陷深冤。子媳不報
親恩。難逃神誅雷殛。兄弟不敦倫紀。終必禍擾凶纏。

謗聖誹賢。撻三曹之震怒。假邪亂正。遭五等之殛誅。輕賤米糧。難脫凶年之厄。宰食牛犬。誰免地獄之冤。累累惡因。難以枚舉。煌煌大訓。人其體諸。急早出火坑。從前之種種如死。慎勿懷鬼域。往後之種種猶生。出苦海而渡迷津。皇天赦宥。速回頭而思革面。福祿駢臻。改改改。自可赦罪。以延生。遵遵遵。尚其力行而身體。

普佑周公真人詩論

三教三曹一貫通。愚夫蒙昧怒蒼穹。平時善惡操精。

鑑。旋轉施予輔化工。果到熟時分釐內。報還巧處渺茫中。皇天大眼誰能蔽。况有雷神與皓翁。

奇哉奇哉。神人有此一會。自開闢以來。遞至今日。遙遙數千年。上古神教一事。復見於今。此亦前後之符肇也。生等生於今日。值世風波靡。人情趨偽。不能親禮讓之天。此不幸也。然得此遇。受三帝之親訓。蒙諸神之勸懲。此不幸中之大幸也。生等須克己修身。以報聖帝之德。吾久居蓬萊。輕不染紅塵之事。今乃老師聖壽之期。蒙王母賜宴瑤池。吾

救去回生
卷二
三
等同赴。以慶師壽。王母傳旨下曰。爾久證洞陽。凡民遇水旱蟲蝗。則叩禱爾。爾亦無不以慈心救民。今呂子降善言於此地。爾何坐視不理。吾對以未有玉旨。不敢擅臨。且此地人民。勸之不轉。教之尤難。只見其遇旱遇災。則叩禱吾等。平日所作所為。殊少善念。今奉旨來此。實體上帝好生之心也。但此書望諸生努力早成。庶不負上帝之恩。三帝之苦。今將此囑爾等書而貼之。以示此地人民。觀此訓。須如早時叩吾之望雲雨也。則可矣。

詩訓

修為莫與俗人同。便是儒家有好風。大道歸來原克己。切磋砥礪早成功。

謙謙君子感人多。盡孝於家有太和。如此工夫須勤儉。他年受用樂如何。

洗滌前非不畏難。過愆知改道途寬。果能始終俱如一。何必別尋九轉丹。

五月初八夕

土神語 吾乃本境土地新任馮是也。爾壇內有理

事之人。妄說善惡無報應。少時長善二大城隍降
報應之文。須小心伺候。

陰陽二判官到 長沙左伯侯至

長沙左伯侯詩

死者先來此。方知大限終。有人都嚇殺。而我又冲融。
笑閱芳名簡。愁看惡類叢。多端隱飾者。枉學叩頭蟲。
善惡報應文

今夫禍福無門。惟人自召。善惡之報。如影隨形。天律
之定。鷲谷陽律陰律而不二。天曹之賞罰。齊冥曹人

曹以無私。蓋善惡者報應之種子。報應者善惡之結
果也。何世人昧於報應。謂報應之無憑。惑於善惡。謂
善惡之無據。因昧於報應。而善惡愈不明。惑於善惡。
而報應愈不解。豈知彼蒼默為權衡。鬼神暗為準騭。
人即有一分之善。亦必以一分之福報應之。人即有
一分之惡。亦必以一分之禍報應之。即至千善萬惡。
無不皆然。所以積善之家。福必臨之。造惡之徒。禍必
隨之。積善未至其極。福亦未至其極。造惡未至其盈。
禍亦未至其盈。倘為善或歸於惡。則受禍與惡同。為

惡或歸於善。則受福與善等。是豈善惡之不明。而報應之有異乎。蓋先善後惡。上天惡其墮落。則必使惡報以警之。不然。則終禍也。前惡後善。上天喜其悔悟。則必使善報以引之。不然。安有福也。此陰陽無二理。鬼神無私曲。即善惡報應。所以無倒置也。吾掌幽冥罪籍。考核輪迴。皆按此而論善惡。定報應。無私心之徇曲。純鐵面之公明。富貴壽考子孫。惟善斯應。貧賤夭折苦惱。皆惡以因。善士臨斯。降階而延致賓座。惡徒到此。膝地而難免刑誅。善惡如此。報應昭然。禍福

無貳。此所以合陽律陰律而為一例。節所以合天曹人曹而非兩途。故曰。禍福無門。惟人自召。善惡之報。如影隨形。望爾眾生。宜體悟之。

列神報 吾乃鄴都御史無常子到 吾乃陰陽掌理生死二判官到 王爺至

善化城隍定湘王詩

麗出扶桑日。光從海底紅。位非仁聖主。號將永鎮封。賞罰朝廷重。褒誅地下同。可憐無赦典。威赫是神風。戒不信陰騭。刻薄貪財惡報文。

蓋聞天生眾寶。利民者莫如金銀。地產羣倫。聊生者
厥為衣食。夫財寶公器也。稱物平施。而貧富乃可相
濟。銀錢禍基也。損人利己。彼鬼神其何能容。嘗見夔
輩貪夫。奸黨惡類。居心毫無忠厚。處世概用機謀。謀
人財產。勢迫兼以計圖。算人身家。術窮復以利誘。詭
謀深藏。陰漁利。而他人不覺。殘刻內蘊。陽舍物。而世
誦其仁。貧民苦求。惜如親割膚肉。寒友借貸。痛苦剜
及心肝。人談陰騭。彼則陽奉陰違。勸彼捐修。假言利
微產薄。貪得無厭。括盡世財。猶是貪。欲念滔天。充滿
私囊。難遂欲。豈知蘊利生孽。神鬼因而降殃。多藏厚
亡。禍患於以交至。或遇水火溺焚。家成荒宅。或遭官
刑盜劫。室盡邱墟。殄嗣斬裔。人亡產絕。能不悲哉。猶
未足以償惡也。陽數終日。鎖提殿前。判吏算其惡行。
鬼使灌以銅汁。審決一次。一次灌之。審決十次。十次
灌之。罪滿之日。再交炮烙大地獄。受其苦惱。報至此
慘甚矣。嗚呼。天律既罰於生前。冥誅復烈於死後。財
為禍基。有如是矣。世人讀此文。猶貪乎。猶刻薄乎。
猶不信陰騭乎。諒亦知所返矣。

爾等可知吾之彰瘴無私。善惡不二之威。不須大家努力助成此書。莫負三帝之德。吾自奏上。以福報之。

乎佑帝君為善最樂文

夫天下皆樂也。而人不知。吾身皆樂也。而人不悟。四時起居樂境也。人忘其樂。萬物動靜樂機也。人昧其樂。然其所以樂者。非樂於富貴也。非樂於酒色也。非樂於妻妾宮室勢位名爵也。有大樂焉。樂何居。其惟為善乎。然為善果何樂哉。萬物盡淨。樂道心也。志

氣清明。樂化機也。飭紀敦倫。樂聖賢也。廣行陰騭。樂利濟也。成己成物。樂仁智也。為善之樂。如此之樂。為善之樂。如此極樂。笑世人不知樂。憫世人之失樂。致失樂。而終身於以不樂。禍患擾矣。人其尋此樂也乎。哉。吾是以呵呵而大笑曰。為善最樂。為善最樂。

土神語 爾等欲問吾之來歷。生前在錢公部下。伊今代包公之任。為五殿閻羅。命吾在此接萬公之事。萬公今已在順天總城隍楊椒山公制下。為善惡司。書成之日。可來壇一會。此示。

莫忘

孚佑帝君庸醫誤人堪輿輕葬惡報文

自昔岐伯傳丹。救性命於百世。楊公闡術。明地理於千秋。調藥味以回生。功高海宇。點血脈以安死。德及骷髏。醫學精微。救莫救之性命。地道明徹。發莫發之鍾靈。此二子者。所以名冠千古也。獨怪今之習二業者。脈理未曉。自謂能醫。水法未精。動輒遷葬。無怪指下糊塗。未辨陰陽之證。盤中強勉。難識生絕之方。以致性命喪於雜劑。鬼怒神嗔。風水壞於亂談。子斷孫絕。貪蠅頭之微利。借藥殺人。且絲毫不認其咎。假高

手之虛名。因地喪德。猶茫然不知其非。竟不思良醫治疾。洞悉生人之病源。方敢用藥。善術點穴。深詳天道之予奪。決不輕行。豈若索無厭之錢財。三服即往陰府。誇無端之諛練。一穴即使敗家。造孽無邊。猶說保元壽世。招尤何極。漫誇顯子榮孫。嗚呼。二罪難寬。生遭貧乏。夭折。兩途可畏。死歷五苦三刑。從此改過修身。或可將功贖罪。若復損人利己。永墮無得阿鼻。庸醫堪輿。思之思之。

土神諭 只帝所判一切之件。有已見者。猶有未見

者無不靈驗。爾等切不可妄議。此諭。

五月十三夕

土神語 餘事前囑諸生。不必再叙。少刻定湘王駕臨。

無常仙子到 陰陽二判官到 王爺至

善化永鎮定湘王詩

天人至理未窺瞻。謗聖狂徒眼最纖。沂水春風皆道
教。單瓢陋巷即楞嚴。半岩露洒雲千片。萬里江涵月
一圓。脫口掃開諸妄語。慧根清淨把花拈。

勉士子文

讀聖賢書。所學何事。惟志於道而已矣。蓋士人一身
關係甚大。為朝廷作輔弼。為鄉黨樹規模。為四民先
率履。為一家式觀型。事為品誼。正大若此。彼無足輕
重之名。或得或失。亦惟聽天命之自然。置之於度外
而已。然而名之一途。乃國家掄才之具也。造物勸善
之資也。士人修德之報也。得與不得。原有不易之遭
逢。一定之氣數。安可以苟且圖。夫何不修道德者。以
穿窬之為。行盜竊之術。私心注想。冀望摩窮。難矣哉。

謬甚也。且勿謂名之不可苟得。不能妄竊也。即使儼倖得之。試問鄉舉里選之條。已有之乎。家修廷獻之業。已備之乎。言念及此。愧何如也。嘗見輕薄儒士。浮偽文人。習數語之明通。便欲上治安之策。操三篇之文藝。輒想薦鄉會之場。寫淫詞於窗壁。猶云翰墨流香。作艷曲於畫屏。妄逞才子手筆。看彼作孝弟之文。不異曾子。觀其持廉節之論。幾比原思。孰知滿紙浮烟。何曾做得。堪笑一筆俗墨。未見實行。夢寐相思。猶幻情於知州太守。私心妄念。時寄意於二甲三元。詎

知道德不修。以為聖賢蠱賊。名分苟竊。最鄙玷污儒林。似此明理而反悖理。罪擬發變夷民。得天復又欺天。後來永無人類。如此慘報。蓋報其士品之不立。敗壞正教風俗人心之罪也。為士者其三思。

呂帝降於丑初。吾再同降。此時去。王天君降於子未。

王天君諭

天地之大德曰生。其愛汝等世人也。真無所不至矣。為甚汝等不願生而願死。真令我猜測不着。噫。我今

知道了。我今知道了。好生惡死。原是汝等的情分。只緣昧了。一箇理字。便將一切保生的事。毫不肯為。一切該死的事。件件都做。至於忠主孝親。敬兄愛弟。信朋友。別夫婦。行陰騭。廣教化。這些大道。一毫不行。以故生理淪亡。至於無可救藥。身雖未亡。已就造成一幅餓鬼材料。其死也。非天地之不仁。實汝等自召也。又如忤逆奸淫。欺誣詐偽。損人利己。逆理悖天。這些事件。汝等犯之。且盡犯之。不惟該死。而且不得善死。是故有死於饑饉者。有死於刀兵者。有死於水火者。

有死於瘟疫者。種種非常之死。非天地之不愛汝等。忍殺汝等。亦汝等自願也。嗚呼。帝德好生。汝等觸怒上帝。天心惡殺。汝等逆悖皇天。吾其如爾百姓何。實無如爾百姓之心何。今為汝等計。汝等欲求福。欲免禍。欲享安樂之天。欲脫苦惱之境。務要做那保生的事。切不可做該死的事。一心不二。持守皈依。自然桂香錄功。天曹賜福。願汝世人宜早圖之。

善化城隍永鎮定湘王。謗聖毀賢。妄駁正教。文聖賢。篤生開萬古之教化。師儒特出。紹六經之淵源。

闡百代之羣書。明倫正俗。作千秋之砥柱。正紀肅綱。此儒教之大成。所以垂生民於不朽也。自釋道闡教於東都。經典流傳於海內。梵音元音。無非戒貪教孝。佛法道法。要皆明性修身。合三教而統。觀實歸一轍。舉三教而並論。究非兩途。何世之愚夫。每謂儒教為難行。妄駁釋道為外教。豈知五倫八端。皆人生所固有。綱常名教。悉聖賢之本真。極樂界中。斷無不孝之佛。蓬萊島上。誰非明倫之仙。况世道人心之不齊。非聖人何能奠定。陰陽盪摩之施運。非神化何能流行。

苟不能力行身體。無怪中庸大學皆為具文。不知竟委窮源。以致蓮華道德俱滅。其實而且自矜聰明。惑人心而敗正教。獨誇己見。行私意以論聖賢。試為細核其真。進探其實。則於三教至理。未能默會分毫。三教實行。何嘗知覺一二。徒逞肆口之譏談。不知獲罪天地。妄憑如簧之辯論。不畏負咎神明。嗚呼。地獄無門。緣汝等毀議所致也。鐵圍非遠。惟斯人警省其改之。不然。冥罰在所弗赦也。

孚佑帝君語 吾囑爾等曰。鑿破石頭見壁光。開了

一幅好心腸。切磋砥礪為良器。不負爾等苦志將。各賜酒三杯。吾去。

土神語 時纔送定湘王返宮。命吾來示爾等。速將此板刻成。須不過七月中旬。要此書行世。以為廣播。此亦爾等大功事也。此囑。

六月二十四夕

土神詩話 斯地臨鸞自有因。只為諸生集善根。始上中全元妙合。功成果滿受天恩。但其中一句。爾等可知其意否。始上正月十五。乃上元賜福天官

生辰。中全七月十五。乃中元赦罪地官生辰。爾等須速成此書。勿負聖帝之意。此囑。 呂帝亥末降孚佑帝君語 呵呵。酌酒酌酒。吾非別。乃唐朝呂相國諱渭之後。呂岩洞賓是也。吾於咸通中舉孝廉。嘗應進士。因遊長安。得遇鍾離正陽帝君。使吾一夢。指破迷津。黃梁未熟。吾狀元宰相。已早完矣。復丹成跨鶴上昇。引見玉帝。封為玉清上相。金闕選仙。孚佑帝君。又玉帝委吾飛鸞開化。以體孔子之道。但自古迄今。豈再生一孔聖乎。故命吾體孔聖

大學中庸之道。蓋中者天下之正道。庸者天下之正理。奈世之狂徒偽士。已不知大學中庸之道。反說吾是道教。不知儒教之由。獨不思仲尼問道於老子。可知之乎。又有等愚人說吾勸人行不得善。獨不思此等人。吾又豈勸之乎。又有等說己衣食尚且不足。豈能修善乎。獨不思又有不費錢之修乎。又有等說吾輩有戒食牛犬及戒殺放生之言。不是。但文武二帝既有戒食牛犬之文。何又受其牛祭。獨不思祭者乃朝廷之典祀。國王之至意。爾

是何等人物。亦可比較之乎。爾等將那不費錢功德一書。刷數十本送與這些知理受貧強辯之人觀之。看他又有何辯。此諭。

乎佑帝君詩
古來皇帝講經筵。宣講為人說萬緣。普渡迷津歸覺路。招回孽海土慈船。愚夫感泣回心易。學士驚聞信道堅。口上工夫陰隲廣。無窮功德不需錢。
雲遊仙語
爾等宜於初十以前設壇。聽吾師吩示。成功之法。度並札本處土地及各邑城隍。從此書

流通之意。餘不多言去。

土神語 吾接萬公之任。不久望爾等努力前進。以成此書。正是功虧一簣之時。宜細心體貼。吾去。收。

七月初九夕

土神詩話 落盡天花為汝曹。鸞車來往不辭勞。聲聲喚醒登彼岸。勿墮迷津願不毛。

呂祖亥未降

盡

孚佑帝君詩

太極已先靜裏光。兩儀渙渙判陰陽。包羅萬象別天

地。融貫三才注白黃。這個機關好體悟。時逢此會莫徬徨。大哉救劫垂寰宇。又見河圖演羲皇。

爾等可知符篆上用正字之由否。是天地正氣。此字上下相通。又數得五。乃五行之正。又為五常五倫。又五數占於中央。此正字之神通廣大。再無他事能勝乎此。爾等若能識此正字。即得吾之衣鉢矣。言之難盡。各體悟之。

再諭爾生等。須過細將此書稿校對無訛後。用黃紙刷十五部。精潔裝好。以便定期焚化。外備解冤

往生錢。用黃紙硃印。各刷二百。候十五夕聽用。
再爾等在外所寫捐費。皆宜去問過伊等。願出者
靠之為用。不願出者不必強行。恐爾等後來賠補。
雖然文錢不落虛空。恐旁人又來譏誚。致爾等生
氣也。是乎不是。此囑莫忘。

十五夕

王神詩話 祥雲瑞氣繞壇臺。無限福光任往來。為
善能邀天眷顧。神人感召一心哉。

呂帝酉初降 赦罪地官亥正降 賜福天官子

初降。爾等宜虔誠伺候。

孚佑帝君詩

神仙何故齊臨鸞。教孝教忠兩味丸。天造芳園栽祀
梓。我歌詩律韻芝蘭。清言喚醒一更夢。妙語深涵九
轉丹。都為世人悲憫切。幾番指點夜漫漫。

周將軍語 吾奉武聖之命。隨地官之駕臨壇。

赦罪地官諭

皇天無親。惟親善人。世人皆明此理。而又不深體是
言。往往知祈福而不知悔罪悞矣。大抵人生天地之

間。為善為惡。雖隱微幽獨。莫不自喻其功過。夫既自喻其功過。不得謂隱微幽獨中。為己獨喻。即無有能喻之者。彼鬼神已深鑒之矣。至鬼神深鑒之。則為善者。必降之祥。作惡者。必降之殃。此賜福定罪之科。所由定也。奈何世人。亦知善惡功過。莫逃鬼神之鑒。而偏蹈於惡路。日積過愆。常與酒色財氣為緣。以滅其孝弟忠信之實。及至罪盈惡滿。或陷於刑獄。或罰於疾苦。或困於災難。斯時手足不措。逃避無方。恐懼驚惶。咸亟亟以求赦宥之術。而又不能明天道。誠修省。

非供醮以祈神。即懺經而致禱。音樂瞻拜。自謂懺悔皇皇。詳牒上疏。安見痛改一一。如此而求赦罪。吾赦汝乎。吾罰汝矣。吾位職地官。為世人赦罪。亦為世人定罪。何者。前惡後善。赦其已往之愆。前善後惡。不赦將來之苦。終身為善。赦其夙累。今寃終身為惡。不赦陽律陰法。赦罪定罪之條。不外乎此。汝世人欲望吾赦罪。慎勿致吾定罪。道在是矣。報豈爽哉。

詩話

滿園丹桂。趁時開。香惹羣真。下玉臺。久仰芝蘭清雅。

體。聊陳鄙語勸英才。

今值中元大節。吾受三帝之命。念爾等有緣。臨壇一會。但天有天赦。地有地赦。人有皇恩大赦。爾等可在外面設下香案。用酒盞九個。中設一案。用酒盞八個。候九星八卦已佈就。天恩造此赦罪魂。此非吾之德。皆天之大德也。呂帝前已示各備解。冤往生錢二百之數。諒已備成。是呂帝三教貫通。此經取三義之意也。能得此者。果意誠心正。體而行之。則上可昇天堂為神。下可通地獄。不入輪迴。

中可超生極樂。功德言之難盡。爾等各散而化之。此示。

周將軍諭 吾奉帝命。爾等用黃紙硃筆。各親手前書。統司三曹。闕五大字。後書一憑字。待吾批示。焚與爾各先人。以歸神道。再爾等在外所寫捐費。可去問其實落否。有不願出者。不可強而行之。吾二帝不勸人出錢。只勸人存心而已。樂從者將名書而刊之。刷之。焚呈上帝。再地官為爾等一片苦心。勿負其德。送駕返宮。候二刻天官降。

關將軍語 吾奉聖父之命。隨護天宮之駕至此。賜福天官諭。

夫福者復也。即易所謂復也。人能復乎天心。自能符乎天道。能合乎天道。自不拂乎天理。蓋天無濫福。必視人之可予者。人無妄福。必為天之所契者。如是福之權。雖自天操之。吾衡之。實自人為之。而自受之也。人其憬然悟哉。勿為斷福之事。敗其福根。勿談折福之言。斬其福澤。勿要儻來之福。須廣種其福田。勿求非分之福。宜宏修其福路。福之基造乎我。我之福原

於天。天子我福。實我與天符。而不敢與天拂。斯為福真。為福大矣。吾竊怪世人。不積福而求福。不種福而祈福。而又不知何所求。何所祈。私心冀望。純是怨尤。謬之甚矣。吾統司天曹。總攝下界。予其福者。明上天賞善之微意。奪其福者。明上天懲惡之顯條。至公至正。無偏無私。不容有一毫之或濫者。彼片善不修。種種要求。猶欲天之予福。吾之賜福。豈以福為可求而得。可祈而賜也。夫福何嘗不可以求而獲。可祈而賜也哉。其所以求而即獲之者。求之得所求也。其所以

祈而即賜之者。賜其可賜者也。然則其所求而即獲之者何。能忠能孝能仁能義是也。祈而即賜之者何。有忠有孝有仁有義是也。如此。不惟賜福其身。賜其家。且賜其後世子孫。永長不朽也。福豈妄要乎哉。吾願世人。廣開福田。以種福。則可長福葉。開福花。結福果。自如其剝之必復。理所必然也。故曰。福者復也。今三帝邀吾臨壇。賜爾等之福。並全其始終之義。直也。爾等切不可負三帝之德。吾去也。孚佑帝君訓范生。爾正是少壯之時。吾聞爾欲入

佛門。是何意見。佛門中清淨洗心。第一件也。爾心不定。何能入得佛門。况現有父親。夫孝乃百行之首。一入佛門。爾孝何在。又極樂界中。誰是不孝之佛。吾再勸爾。欲為聖為賢為仙為佛。總不可虧其五倫之首。但運用之妙。惟存乎一心。爾上止有孤父。宜盡其孝。下有妻子。爾出家。伊又靠着何人。爾乃愚而好自用。則悞了大事矣。爾從今後聽吾之言。遵吾之訓。自然心有定向。爾可聽否。吾念爾父一片苦心。老誠樸實。端莊正士。謹守儒風。爾有何

能。吾用此苦口勸之。不過是念爾青年少壯。私心妄想。深為可惜。但欲求仙佛之法。豈獨出家即能求之乎。只在存乎一心。七十二等人物。皆可為聖。為賢。為仙。為佛。爾知之否。爾父乃通理達道之士。爾將吾所勸爾之言。說與父聽。看是理乎。非理乎。爾可遵吾言否。

二十三日

土神詩話 書垂救劫。挽狂瀾。筆降回生。九轉丹。體貼遵行。無二志。千祥雲集。報平安。

桂宮列依報 吾乃王元帥是也 吾乃魁星到

吾乃杜 王 蘇 袁 吾乃金甲仙 吾乃天

聾星 地啞星

武帝部下列仙報 吾乃周 關 王 廖

三帝同至

孚佑帝君詩

萬劫原來一炁通。大千世界盡包融。瓜瓜豆豆明明果。死死生生色色空。祇有靈光涵宇內。頻將神化運寰中。擎天立地無他妙。正氣彌綸貫始終。

王元帥諭 此書先呂帝已示刷黃紙十五部。可將此刷成宜初五日之前。候呂帝吩示焚之可也。再爾等須將此書共刷千部。以成全美。可知否。吾奉文帝命。賜羅生酒四杯。有語曰。桂宮原有司文郎。大德鴻才判短長。兩事之中先後定。好好修德受天香。

周將軍語 吾奉武帝命。賜壇內理事生等酒四杯。語曰。慈悲刻薄兩心初。怠惰勤儉渾不如。能識此書真意味。平穩穩待丹書。爾生等送駕返

宮。吾等皆去。

三十夕

土神語 吾本境土地是也 呂帝駕臨

孚佑帝君詩

經年救世望依依。不挽澆漓民我違。詩道千章血滿紙。心憂萬姓淚沾衣。書垂救劫皆天幸。筆降回生應化機。從此乾坤開別樣。轉輪之後又生幾。

吾與文武二帝議定此書。將黃紙刷十五部之數。定於初四夕焚之。斷不可改移。其書上帝金母各

一部。吾與二帝五嶽各一部。西天獨迦觀音大士
鄴都大帝順天都城隍本省省城隍各一部。外即
將此印送之書裝十餘部。爾等各先人一部。本縣
城隍善化城隍湘陰城隍本境周仙本境廟王土
地各一部。但黃紙書內將眾姓捐名用硃刷之其
餘不用硃刷。再每部書內用黃紙硃書稟詞一道。
具明此事始終之意。將壇內理市生等姓名錄上。
聖號各列。但此日宜早開壇。待吾將書驗看封好。
以免倉卒。此囑。

八月初四夕

土神語 聖恩新雨露。百穀喜豐登。人得天之福。氤
氲賴以凝。巍乎三聖帝。暗室繼明燈。所賀諸生等。
良材自此成。候一時再有通報。

雲遊仙諭 吾奉老師命。報與爾等聽。將所焚之書。
須每部用黃表裝好。上面恭書各聖號。外設一臺。
將書次序。作上下二起擺之。上將玉帝金母放中。
文武呂及各聖左右護之。下將各神放中。爾等先
人左右護之。每部下須用黃紙托之。其稟詞即在

本壇對天宣讀

孚佑帝君詩

雨露宏敷聖澤覃。大千世界盡包涵。霞飛燦爛空懸影。瑞靄玲瓏月映潭。帝德重重周上下。天恩浩浩蔭東南。栽培善果栽培福。莫使靈光伴野嵐。

爾等須嚴肅誠敬。各立各功。各盡各心。各修各德。盡在於此。吾此時去。

雲遊仙諭 四大功曹聽命。吾奉師命。令爾等在此伺候。須火速輪流飛遞。毋得遲延損壞。違者照令

施行。爾生等於外面設三香案。前案功曹之位。中案二十八宿之位。三案九星八卦之位。俱用酒果。焚香炳燭。再行叩首禮。將玉帝奏稟宣之後。將眾姓捐名宣之。祇稟詞則焚化。金母處照禮宣讀。又三帝及各神之稟。均次第行禮焚之。爾生等所備先人之稟及書。後命土地分派遞交。此乃成功之日。爾等須誠敬伺候。勿致有失。此囑。少刻吾師與二帝同至。

土神報

桂宮列仙至

文帝駕臨

校刊回生

卷二

吾

文帝詩

歌奏鈞天第一章。仙音嘹唳和雲翔。誠心感名通金闕。善氣飛騰達上蒼。吉曜頻臨添瑞色。奇緣幸會咏霓裳。休哉大造真無量。結就此書萬道光。

武帝部下各將軍報

吾乃周

關

廖

王

武帝來也

呂帝亦來也

武帝諭

吾乃統司三曹關。爾生等各用黃紙。跪吾壇前。各出本心。隨書四字。勿許旁人多言。吾命周將秉刀。王將執鞭。關平紀功。廖將錄過。各各書上。

而焚之。候吾批示。候。爾等各出各心。吾已知其心事也。

武帝詩

光華復旦肇於斯。感荷天恩雨露垂。數載赤心憐赤子。九重丹詔下丹墀。尺胎未換即仙品。勝事欣逢自古奇。如此因緣誰種植。蠶眉舒笑咏新詩。

周將軍語

送駕返宮。吾等皆去。

雲遊仙諭

三帝有命。爾眾神各返本宮。生等將前香案。盡行撤去。但書條規為重。明夕自有示知。

初五夕

土神語 土地是也 戊初呂帝降 戊正金闕元

帥降 子初武聖降

孚佑帝君詩

風噓翠竹弄清聲。月照花階色倍榮。樹倚千章皆蔭護。秋澄萬景最分明。巖高氣馥新時象。鳥倦飛還寫物情。無限希奇吟不盡。一聲長嘯過雲行。

少時馬天君奉五旨來壇。爾等小心伺候。

馬天君語 爾生等昨呈上回生一書。今奉五帝勅

旨。來壇批示。但三帝皆金闕首相也。時值夫劫

之世。身奉五旨。飛鸞開化。已歷年矣。今降於此。亦

千古所稀奇。皆生等之大幸也。又不料此地欣然

樂從。助成此書。實天下之大功事也。批曰。

三相垂訓之言。皆一句一淚。一字一珠。雖良師慈母

未必有如此之深愛。如是之懇切。但此後須日漸高

明。時相砥礪。造奎壁之材。作棟樑之器。則不負上帝

悲憫之心。吾輩之厚望也。

武帝部下各將軍語 吾乃武帝部下四將至。

武帝降

武帝詩話

覺世憂民一擔挑。旋回挽轉荷天朝。火坑灑露緣心
溥。苦海撐船用口招。革面勞予聲木鐸。回頭望爾渡
金橋。停雲勒馬臨壇內。修竹森森爽氣饒。

爾生等昨所呈書。玉帝覽之頗有喜色。先已命馬
元帥臨壇批之。如此則吾等之心亦安矣。又條規
一件。吾全二帝上奏通明。議定章程。蒙上帝開恩
勅下。將所做金科之例。一則加作十施行。可知否。

周將軍語

生等送駕。吾等皆去。

十三夕

土神語 吾承帝命。已免冥中之路。得為土地。在此
接萬公之任。已數月矣。叨蒙玉帝之恩。在壇伺候
又得諸生栽培。吾亦受有德矣。今值功圓果滿之
時。再望諸生加誠伺候聖帝。亦是爾等之功成也。
吾言雖俗。實出真心。此囑。 呂帝亥初降。

孚佑帝君詩

秋色晶瑩勝去年。廣寒門戶萬餘千。桂非在地花經

老蟾可生天魄較圓。白玉為樓邀上客。黃金作榜列
飛仙。書成雅似銀河鏡。皎皎珠光附有緣。

爾等須將精潔之書。揀選一部。少刻吾蓬萊眾友
臨壇觀之。此囑候。眾仙來也。將書呈上待吾師
及眾友覽之。

正陽帝君詩話 呂純陽吾門人也。今奉玉旨。委行
飛鸞。數十年矣。降於此地。乃初次也。幸諸生將此
書成功。此天帝之大恩。亦生等之大幸也。但此書
出後。望人人奉為箴規。個個遵為法守。自然千祥

雲集。萬福駢臻。爾生等亦前程路遠。須防失足。此
囑。待吾率領眾仙。吟詩一首。以言此書之妙。

方知天手巧栽培。一部書成萬象該。倒豎滄溟懸日
月。潛移造化走風雷。佛王國內曇花現。仙子宮中桂
樹開。入耳秋聲吟不盡。江風颯颯鴈初來。

十四夕

土神語 吾乃土地是也。爾等宜誠敬伺候。不可失
禮。 呂帝成正降。

孚佑帝君詩

無古無今一個天。天家作事最週全。一番花信一番果。實實虛虛總自然。萬事都由真種子。時乎相會合因緣。循環氣化原非異。打破此關即是仙。

文帝制下司籙司掌桂宮仕途功過冊郭仙詩

天道根人道。無形會有形。十哀分皂白。上界觸神靈。氣化非非幻。星躔渺渺冥。實途歸德行。迷夢快醒醒。

戒奢華文

今夫治家之道。惟貴守先。而齊家之方。端在務本。自夫人昧於整率。而後家規敗。務於奢華。而後家政衰。

驕侈矜誇。窮奢極欲。以祖宗之基業。為靡費之貲財。忘創造之艱難。肆驕淫之氣習。家庭日事宰割。戕物實所以戕身。衣服矜尚綾羅。耗財即所以耗德。高歌宴飲。流蕩成風。壞紀瀆倫。消亡立見。以故奢而佚。佚而淫。華而乖。乖而敗。當日之所謂千倉萬箱者。至此則杼柚其空矣。曩昔之所云供旨食甘者。於時則酒漿告匱矣。富家子弟。轉瞬不異乞人。朱門兒郎。過眼即為狗盜。旁觀見之。嗟嘆。路人聞之。感傷。嗚呼。奢華之禍。如此慘烈。至敗家而猶不止。豈不悲哉。為此以

勸世人。家而富貴。須節用之。維均。家僅小康。宜省儉之。是務。本忠厚。以作良田。耕之不盡。崇樸實。以為事業。用之靡窮。如此。則家政克修。子孫式效。門庭亦常享康吉矣。欲治家者。慎其法諸。

十五夕

王神詩話 久承聖命在鸞臺。今日功完月桂開。香煙結就平安字。三帝龍車次第來。爾生等當此成功之日。務宜加誠伺候。酉時三刻。前任萬公全江西土地至。戌正三帝至。

都城隍部下善惡司語 呵呵哈哈。可喜可賀。酌酒

酌酒。十二樓中詠歌管。帶來兩袖天香滿。蓬萊雅曲奏霓裳。迭和清音雨露澣。吾乃前任本境土地。萬文彬是也。今得值日功曹之報。命吾來壇。以全始終之義也。又命吾往江西。會羅公同來伺候。

武帝部下四將軍至 桂宮四相至 三帝同臨

武帝詩

拱拜北辰降赤虹。余今含笑叩蒼穹。千秋著作邀同

志。八月修成。慰我衷。涉海有帆。誇穩步。為山積篲喜。
完功。萬花飛舞。春常在。依舊三皇五帝風。

文帝詩

玉鏡光圓。八月秋盈。虛消長一囊收。天清曉露浮塵。
掃地轉東風。曙色流。救世文章。該性命。豁人道德重。
山邱。四時常駐芳春景。瑞麥嘉禾遍隴頭。

孚佑帝君詩

回生救劫。輔王章。藹藹仁風扇八方。我與敷天昭日。
月人如撥霧。見青蒼。干林甘雨調元化。萬朵祥雲擁

帝鄉。數月臨凡。通氣洽。莫辜救世好心腸。

吾等此時不能久留。候丑正三刻。瑤池宴後。武帝
命周將來壇批示。吾亦隨降。

周將軍諭

爾等將前金科所謄之札。用黃表硃書
一道。候吾令行。功曹聽令。爾將此札送交長城
隍李善城隍何照。此抄寫。飛佈各處。毋得遲延。火
速。火速。吾去。

孚佑帝君詩話

爾壇內理事生等。將在壇用費。及刻刷之數。概行

算明。開成一單。用黃紙硃書。吾命雲遊子於十八夕來壇料理可也。但吾與爾等相通數月。所勸之言。皆是正言正理。爾等皆前程路遠。切不可失足。倘廢此功。則可惜矣。酌酒。吾去。又來也。

將離回首望諸生。猛聽蕭疏夜漏聲。萬里迢迢天地隔。一村渺渺水雲平。祇緣世態隨波靡。所冀心田帶月耕。記取他年真不負。青山永慰舊時盟。

酌酒。吾真去也。

都城隍部下善惡司萬詩話。吾與生等久不相會。

今日一見果奇緣也。

共礪琢磨俯仰寬。神人相會際斯壇。久羨芝蘭真契誼。猝承詔命動悲歡。天恩免我冥中路。聖德重予地下官。今宵一刻春風面。欲復同居萬萬難。爾生等切不可負三帝之德。此囑。

十八夕

土神語。吾乃本境土地是也。凡正雲遊仙奉師

命來壇。爾等須照常伺候。不可失禮。此報。

雲遊仙語。呵呵哈哈。何須接駕。吾今奉師及二帝

之命來壇。與爾等將壇內出入之數理清。可呈此單。吾觀之。吾亦是替天行道。吾將此單呈上。吾師及二帝處對查數目。來壇批示。吾去候。
又諭。吾來也。此數目之單。已呈聖帝。查對明白。可也。吾去。

土神語。爾等今告撤之後。須安謝各神。此囑。吾亦去。撤。

八月二十八夕

監壇童子語。吾奉三帝君之命。在此日久。不敢擅

離。但此壇雖撤。吾在此不得私行銷差。何也。因刷印之工未成故也。又三帝有示。爾生等倘有叩求。自當速稟。吾不致有悞。

土神語。吾本境土地是也。爾生等今夕稟請雲遊仙來壇。吾亦在此伺候。

雲遊仙詩話。吾來也。酌酒酌酒。爾等所稟之件。吾去稟明吾師。候我回批可也。

後顧無人最可傷。老天有眼慰枯楊。秀蘭葉滿頻增慶。苦李花開不是香。貴子豈因時命好。佳兒都為善

緣償。如君種得千年果。五桂三槐百世昌。

此詩乃吾師所作。命吾來壇書之。爾等所稟將回生書折酬舊愿一項。吾已稟明吾師。候刷送行後。將各酬愿姓名。須用黃紙。再具稟詞。待吾師奏銷。此示。

九月十五夕

土神語 吾乃土地馮是也。生等須久候一時。雲遊他方可臨壇。

雲遊仙語

今刷印已完。是善圓功滿之時。奉吾師

及文武二帝之命來壇。生等速將各印。送及酬愿等名。書而焚之。待吾轉奏聖帝。候半時聽我回批。再諭。三帝君批下。凡有印送及酬愿等項。俱照例抵銷施行。此後再有印送此書者。即具稟詞於本邑城隍處。或本境土地。及家司命處。均照例誠心叩求。自然無求不應。無感不通。即城隍土地司命等神。亦不得遺漏延擱。此批。我與爾等相聚許久。自今別後。不知何日相逢。吾有語曰。

貧富無分在爾修。千金難買得天籌。完全素節堅持守。白屋居然勝玉樓。再曰。苦功堅志推逸任勞。全成善果。不負甄陶。但事已週。而生等切莫忘。二帝金石之言。此囑吾去也。

閏十月初三夕

雲遊仙訓孝歌

嘻嘻哈哈。紅塵滾滾。亂如麻。利鎖名魔。甘陷沉沙。那顧堂上二爹媽。二爹媽。是菩薩。不用檀香雕。非是顏色畫。古來聖賢仙佛。用功在這達。在這達。莫認差。說

甚麼燒丹煉汞。說甚麼五炁三華。說甚麼龍吟虎嘯。說甚麼吐炁吞霞。明明元機在爾家。眼前觀處就是他。好好去把苦心下。苦心下。蓬萊海島。自有仙槎。贏洲路上樂無涯。瑤池會上弄琵琶。嘻嘻哈哈。這是老仙的道話。這就是老仙的妙法。萬事皆是假。流水伴落花。縱爾是堆金積玉。也不過惹眼春葩。從爾是有高倚馬。也不過一時聲價。漫說爾富貴能保疲等孫。不昌大轉眼。付流沙。傍人見之。皆嗟呀。堪嘆你在生時。珠璣滿架。到死後。枉作牛馬。追論疵瑕。還要惹百

般笑罵。吁嗟世人何苦用心差。何不跳出紅塵。尋個方法。這方法最為佳。也不須尋仙訪道。也不須修煉出家。只要誠心一點。孝順爹媽。常常體言語。勤勤奉湯茶。利欲中休將心頭罣。倫常內急把實腳踏。莫學那貪婪輩。認真作假。向酒色朝朝打撲。一旦無常到。咽喉皆氣啞。只落得白骨染沙。牛頭又馬面打。長夜漫漫受盡種種刑罰。冥中報應真害怕。若害怕悔了。罷聽從老仙話。轉瞬到胥華。嘻嘻哈哈。紅塵滾滾亂如麻。

又詩曰

世人何苦昧心田。終日昏昏夢裡眠。神聖良言全不醒。倫常負罪通於天。百歲光陰曾幾日。一身惡孽已無邊。看來只有為善好。悔過消愆遇此緣。

閏十月十五夕

文帝部下周仙訓士子文

夫士為四民之首。所謂立人品。端風俗。正人心。以維世教者。惟士是賴也。然維世之道。猶其後。而修身之要。為最先。道德仁義。身所需也。禮義廉恥。身所重也。

此身之關係豈不重哉。竊怪今之為士者。以虛誣詐偽為真。以德性品行為假。往往忘其士之實。而盜其士之名。良足羞也。嘗見流蕩青衿。自謂才子傑出。輕薄儒士。謾負完人挺生。乃原其心。則奸邪也。觀其貌。則輕佻也。如此而謂之士。殆不知其所云也。更可厭者。假刀筆以殺人。方謂白冤辯屈。恃功名而武斷。猶曰排難解紛。種種惡習。言之醜也。屢屢喪德。可勝悼哉。無怪風俗日就於偷薄。而正氣從此不伸。學校日趨於湮沒。而士風於以不振。孔孟之罪人也。聖賢之

蠹賊也。世道之禍魁也。吁。士而若此。不足以為士矣。吾今飛鸞指示。諭爾士人。修身其先也。敦本其德也。存理其志也。遏欲其功也。能如此。則鴻毛遇順。何慮科甲難登。龍虎標名。自然文章煥彩。為士者慎其所。以修身而邀天眷焉。則幸甚幸甚。

十二月初八夕

甯遠縣土地易降陰法無私文

今夫笞杖流徒。陽罰所以止辟。幽都鬼國。冥王所以除奸。地獄餓鬼畜生。三途之報何慘。陰府阿鼻無間。

五刑之屬莫加。看刀山之慘刑。銀光射目。靚劍樹之極苦。鋒艷寒心。油鼎浪翻。熬透罪人之骨。火山焰起。燒爛孽犯之身。血污池中。遺留逆子忤媳。鐵圍城內。拷打婪輩奸夫。孟婆亭之迷湯。昧惡類之本性。孽鏡台之實錄。現陽世之罪條。刻薄貪財。難免銅汁灌口。欺誣詐偽。罰以鉄鉞劊心。僧道不守清規。永沉無間。偽士不敵倫紀。長墮幽泉。婦女奸殘。劊心兼以拔舌。兄弟爭鬪。刑足復使割肩。望鄉台之孤魂。半是貪花浪子。枉死城之罪犯。無非斷命輕生。罪罰熱惱。師事

妖邪之徒。刑擬寒冰。習行磕騙之侶。惡籍儘多。言之莫盡。總之難免冥誅。善報昭彰。畧舉其端。以為慶賞。有自。孝順父母。免十殿之鞫供。而超昇極樂。忠愛君主。消六道之輪轉。而名列仙班。累積陰功。安居西方。駐節。敦行孝友。餞送福地。超生補經所之孤燈。只照誠心懺悔。轉輪殿之寶蓋。專迎正直修行。榮祿福壽。報三世之陰功。智慧文章。賞一生之端正。陰法無私。原無惑貳。冥律有定。人休圖之。

十二月十九夕

婆

觀音大士詩

彩雲一朵萬福穰。朝朝都為世人忙。楊枝灑翠消干劫。甘露融瓶壽八方。念佛何如修善果。求天不過點心香。回頭即是仙山路。我與慈帆送一航。

雲遊仙詩

慶雲一朵自空來。善氣喜從福地開。諸生滿斟葡萄愛。呵呵大笑赴鸞臺。

羅生爾所稟之件待吾轉稟聖帝方可候。

周將軍制下幽都巡查御史羅語

吁嗟乎陰律之慘也。吾今日辰時奉武帝勅旨。查察地府。至一獄。名曰叫喚大地獄。週圍五百由旬。見陰風四起。慘聲震地。查察之下。見一夥牛頭神。拷打無數罪犯。若恐刑之不及。罰之不慘。吾見之不忍。因召牛頭神問曰。上帝有好生之德。汝等狠毒。何得如是。牛頭上前稟曰。御史在上。容獄卒呈明。這些罪犯。他前一世造下無端惡孽。死後六殿大主標票。將他發在此獄受罪。後因罪滿。投生陽世。臨去時。獄卒猶囑託他。叫他去此投生陽世。須多作好事。這個叫喚地

獄的罪過實實難熬。此去不可復來。不料這些罪犯
投生陽世。未滿四旬。均是惡孽隨身。又歸地府。大王
標票。將他仍發在此獄受罪。獄卒今拷打他。是憾他
當初不聽吾等之言。甘作餓鬼也。望御史鑒之。吾聽
牛頭之言。非伊之不仁。實罪犯自召也。嗚呼。地獄原
無門。世人鑿開走。牛頭非狠毒。人偏犯其手。吁嗟。吁
嗟。

吾生前之事。爾等一概盡知。不必再叙。吾自從戎
而後。叨蒙皇恩。不料陽世不久。歿後得蒙吳西城
隍批文。至東嶽仁聖帝駕前。又領批文。至武帝駕
下。命吾在周天君部前。為幽都巡查御史。餘事不
理。吾去。

十二月二十一日

土神語 吾土地是也。報知爾等。候一時。 呂帝降
孚佑帝君詩話

岳陽醉罷復蓬萊。收雲踏地赴鸞臺。長安有路余嫌
窄。斗室無花我自開。衲袖空明留日月。匣函智慧走
風雷。臨壇了。就成金語。五百年華不用猜。

吾方纔在蓬萊島上。正與南極老翁棋酒高興之際。偶見馮毓同雲遊子稟道。說爾等於此地設壇扶鸞問山水吉凶。吾特來一覽。吾不久留。候吾命雲遊子示知可也。

雲遊仙語 吾奉師命來壇示知曰。

地所以卜吉也。而吉之者莫如陰功。地所以發籍也。而發之者莫如陰德。然而陰功之與陰德。亦果何從事哉。曰。心地培植是也。吾竊見奇峯秀嶺。得天地之鍾靈。平堤沙邱。絕龍穴之正脈。一則吉而禍之。一則

凶而福之。此豈陰地之不足憑乎。抑亦心地之善惡別之也。如此則陰地者。心地之餘。心地者。陰地之脈。有其餘而無其脈。則餘末也。有其脈而培其餘。則脈本也。世人能明乎此。須培其心原。無務乎地脈。真龍佳穴。寸衷備之矣。又何庸登山涉水。以踏尋哉。爾世人宜以心地為務。

二十二夕

土神報 少時廖天君降

廖天君詩

遠山隱約色朦朧。觸景裁眉圖象中。劍閣無屏悲氣
運。街亭失守費交攻。五關附驥逢孫黨。百戰從龍報
帝功。蜀道崎嶇成馬迹。忠魂依舊漢家宮。

孚佑帝君詩

袁周木鐸振尼山。挽轉澆風復格姦。二百權衡敷火
德。三千萃美列星園。操龜喻馬觀時變。嘆鳳嗟麟感
道艱。關帝今朝重荷擔。春秋又見一循環。

辛未正月初十日

雲遊仙詩

初春景物各飛揚。萬化新明儘有光。山笑迎人情欲
合。花開得令氣逾香。時哉此際真難買。勉爾人民勿
自荒。只待秋冬愴惶後。金風白雪有吉祥。

訓士文

夫讀書何為乎。為明理也。為明理以復性也。蓋論理
莫切於大學。而論性莫備於中庸。所謂入德之門。大
道淵源也。自孔子設教。立萬世人倫之則。啟千古教
化之源。刪訂羣經。闡明道學。法堯祖舜。繼住開來。使
千秋後世無長夜之憂。所謂至聖也。乃繼起者若曾

子子思。皆得孔子之傳。成之大學中庸二書。其間若身心家國。性道天人。切而言之。乃修齊之要道。推而言之。即平治之宏規。精而言之。乃參贊之功能。實而言之。祇庸平之正理。人能誠心體悟。勉力奉行。則王功帝德。聖域賢關。自可企及。無如讀之者。不求其本。僅習其末。不究其理。僅讀其文。以致大學中庸之理。毫無所得。無所得。是枉讀也。故有讀之而肆意滅倫者。有讀之而百無一長者。有讀之而圖利貪名。奸盜邪淫者。豈書之無益於讀哉。豈讀之猶不能有益於

書哉。其負疚於聖賢。得罪於名教者深矣。如此。尚得自命為讀書人耶。吾是以憫之。而正告之。竊願世之讀書者。慎其以大學中庸為根本焉。則士人幸甚。吾尤幸甚。

又文

今夫大道之傳。肇自孔孟。而師儒之任。繼於程朱。春秋時。教化陵夷。風俗頹敗。三綱五常之道。幾於漸滅。孔子述堯祖舜。闡化明倫。立斯文之宗主。制禮樂之常經。道冠百王。德隆千聖。此生民所以未有也。惜乎

政教不行。悠悠列國。惟取先王之為法為則者。訂之羣經。傳之後世。以立千秋百世之防。道雖不行。而其道常新也。戰國之世。七雄併吞。其時竟尚遊說。其俗逞乎攻伐。世道人心。漸趨污下。幸私淑有孟子。充浩然之氣。挽沈溺之風。抱義懷仁。作中流之砥柱。崇王黜霸。紹列聖之薪傳。距楊墨。闢異端。正人心。道性善。斯誠維千鈞於一髮者也。宋季道學昌明。賢儒迭起。若程朱者。明大學之宗。復天性之本。海內之民。無不從風慕化。以致終宋之世。賢哲弗衰。其食德於文教

者。非淺鮮也。當今懍十六條之聖訓。化十八省之黎民。二百餘年。繼繼承承。仁風其孔厚矣。乃以治安日久。宣揚漸衰。聖主有綸音之頒。下土無奉行之典。此小民所以不聞木鐸也。由是世風日下。草莽之內。無忠臣。人心愈偷。家庭之中。無孝子。仁義禮智。俱敗於利欲貪污。正大光明。盡壞於機械變詐。世道如此。無惑乎正氣消。而災氛擾矣。闕大帝仁慈悲憫。不忍生民遭此流離。特為飛鸞開化。以挽人心。實欲世人革面洗心。除惡崇善。共享昇平之福。斯其救世之心。上

而孔孟下而程朱無以異也。吾體師意特降斯文。此文吾奉師命降之。不過將此降乩之由略略指明。爾等欲增刊之。不必標題可也。

二十四夕

土神語 吾乃土地是也。羅生爾有一族人。要上鸞臺說話。吾纔稟過本邑侯爺。容伊上壇說明。此示羅生族人詩話。害苦哉苦哉。我棄陽世四十餘日矣。今見我親我族。好不傷感人也。人到陰司實慘傷。祇緣一幅鬼心腸。臨頭報應真難避。柱向黃

泉訴閻王 吾說與爾聽。吾之苦楚實實難言。自去正蒙仙指示。欲改過而未能。真悔之晚矣。去世後。入地獄中受過苦罪。此罪實實難受。任爾有舌辯之能。總辯之不脫。今已將七七。聞爾等設壇。因苦苦哀求。酆都大帝。欲上此壇訴明報應。今蒙本境福德星君。稟明邑侯。容我上壇。我見親人。好不甘心。教我。有話難言。奉命而作詩曰。

贊化補天筆一枝。仙毫何事變為螭。誣人揭帖危尤險。冤婦離書更可悲。不血刀頭惟狀紙。無霜砒毒是

淫詞勸君珍重生花管莫使紛紛萬孽隨。

少時呂帝來壇望福德神及爾等與我求赦其罪我此時不敢多言。

孚佑帝君詩話

郁郁通明殿祥光紫氣銜。人生非上界仙本出塵凡。天體無私覆神功有至誠。妙哉千劫苦回首悟香奩。今有羅姓罪犯本邑城隍已命伊上壇作有勸戒刀筆詩一首可與伊增刊以警世人。伊到陰司方知利害何不早悔何不早悔。伊生前惡孽多端於

去正吾已勸過奈伊不知省悟於去歲五月已將伊魂拿入誅心割肺地獄人雖生而魂已受罪。歿後一殿閻王將他收入無間地獄今鄴都大帝降旨放回在此求吾赦宥爾等又是何說。既爾等有仁愛之心吾亦以慈悲為本但查功過冊伊生前過惡極多難以赦宥吾去與五殿冥王錢公說明從寬治罪緩緩解釋此示。本方土地將伊押解歸獄餘事命門人來示可也。

浙江上虞縣土地羅戒殺文

救劫回生

卷二

七

惟天廣生萬物。普育羣倫。草木昆蟲。飛禽走獸。莫不貪生而惡死焉。蓋天地一生氣。萬物一生氣。陰陽一生機。倫類亦一生機。人得天地之中而生。不思承天地之生。竟忍逆天地之理。是殺牛羊皆生也。而人傷之。犬豕皆生也。而人殺之。統之山禽水族。野物異類。無不肆其荼毒之殘。以致善氣日消。惡機日熾。而仁道於以無存。嗟嗟。狩獵遍於山林。禽獸何罪。忍令伏乃刑誅。網毒施於淵水。鱗族何辜。竟使殄無遺類。燒山焚嶺。絕滅蟻蟲。宰鴨割雞。供恣口腹。宰耕牛以肥

身。寬償二世。殺義犬以恣口。報在三曹。嗟彼鮮血淋漓。何異罪人斬絞。骨肉粉碎。竟忘物類慘傷。行殺一刀一割。罪抵變獸變禽。陽世惡盈。陰府勾抉。鬼判解至陰司。殺戮照律定案。逐一清算。毫末分明。抽筋刊腦。以寬報寬。插骨灼身。以殺易殺。復押入刀山地獄。重重穿刺。時時受刑。令彼痛苦哀求。儼若受殺物狀。號泣哭訴。居然彼物情形。反覆回環。方知報應不爽。周旋曲折。始悔寬孽太深。陽世殺生。陰司受報。初非理之有二者也。世人讀吾之文。當體上帝好生之心。

廣仁人不忍之念。惜物惜命。修福修因。戒殺懼殺。放生延生。千祥雲集。百福駢臻。皆由此中而來。戒之戒之勿違。

吾此文稟過聖帝而降。可增刊書內。以警世人。無故時常宰殺。爾宜謹記謹記。

雲遊仙語 爾等候吾師瑞誕之日。設壇待吾師。以好開恩。將羅姓罪犯赦宥。爾等亦大家做了好事。此囑。

土神語 爾等欲問吾姓名。吾乃山西太原人氏。姓

談名泰升。生前乃一貢生。不過略盡人道。歿後蒙上帝之恩。勅吾為土地之職。以後望諸生栽培。爾問馮土地升於何處。伊今仍到錢公部下為判官去了。此示。

四月十四夕

土神語 我乃土地神。一一報分明。今乃呂帝瑞誕之辰。爾等宜虔誠伺候。

列神報 本境各土地到 吾乃總城隍部下善惡司萬文彬到 吾乃錢公制下馮毓到 吾乃江

西弋陽縣城隍羅到 吾乃上虞縣土地羅到

吾乃兼查地獄事務前任甯遠縣土地易到 各

土地到 普佑周公駕臨

普佑周公真人詩話

維皇一炁結靈珠。貫澈精瑩迹象無。化布三才敷運
會。文明八卦闡包符。胞胎養匯真元體。動靜分明太
極圖。只惜凡人多蔽壞。忍將真性擲泥塗。

各土地等。俱照舊伺候。少刻武帝部前周將軍到。

周將軍詩話

青龍煥耀如雪霜。不異當年血戰場。生平只識一忠
字。丹心鐵面髯飛揚。老奸如鬼今何在。千秋猶見一

周倉。

吾乃一介武夫。未嘗學問。只識忠義二字。吾奉武

帝命來此伺候。

土神報 淡然仙到 雲遊仙到 武帝部下王將

軍到

王將軍詩

昔年効命佐荊州。今復飛鸞下世遊。聖帝赤心千古

救去回生 卷二
在。何時頓失漢家秋。

呂帝降生等恭迎聖駕

孚佑帝君詩

混元一氣化先天。千百劫中大道全。霹靂轟鳴聲赫
奕。雷霆震動靖坤乾。陽和普育氤氳氣。雨露涵濡草
木鮮。萬物發生資鼓盪。三才定位總回旋。

九重恩澤自天來。地擁祥光可弭災。此處人人培善
果。他年快樂赴蓬萊。

眾門人隨吾前去。朝謁雲房老師。本境土地聽

吾之命。命爾前往閻君部前。隨仝御史。押解羅姓
罪魂。須丑時來壇。再昨八殿都市王與吾說。伊曾
作有刀筆淫詞。離書揭帖惡報文。要羅姓罪魂求
來書之。增刊行世。方可支會出獄。此示。

孚佑帝君語 呵呵。酌酒酌酒。本方土地及御史
將鬼犯帶上。爾生前過惡。皆爾自招。吾去正曾
勸過爾。爾不信吾言。心尚不悅。可是真否。今正吾
又與爾解重為輕。可靈否。吾若不念諸生等苦求
解釋。亦不管爾之閒事。爾速將都市王之文。一字

一字書之。餘事少時雲遊子來示。吾去。

八殿都市。王刀筆淫詞。離書揭帖惡報文。甚矣。世風之壞也。人心之迷也。儒術之卑也。讀書士子。往往昧於聖賢之道。惑於利欲之微。壞其天性之良。肆其偷薄之習。故正道不從。歧途偏向。於是有逞刀筆者。有作淫詞者。有寫離書者。種種造孽。其不觸怒鬼神。而遭天譴也。鮮矣。蓋刀筆之害人。也。蕩人財產。家庭之變。由此生。制人死生。莫解之冤。由此結。片言隻字。筆底即是干戈。抗語稟詞。紙上俱有。

法律受其害者。其含冤何可勝數也。作淫詞者。敗風俗。壞人心之賊也。竊見聰明秀士。穎悟才人。偶閱柳艷桃天。便神搖於秋水。或讀天香國色。即魂散於巫山。以致淫情蕩熾。邪慾翻波。萬惡千孽。皆由此緣。其流毒最烈。其害人尤難數計也。若夫寫離書者。離間人之夫婦。斬絕人之宗支。因一時氣性狂言。彼即從分內執筆。隨其心捏詞定案。致使人兩下分離。生則悲其永訣。死則痛其冤誣。忍心害理。有如是也。至於造揭帖輩。壞人之名節。破事之全成。平昔偶爾微嫌。

其去回生 卷二
辱罵勝於仇殺。他行或有微短。指摘加於萬千。人受其欺。已蒙其罪。果何益哉。凡此數類者。鬼神在所不容。報應絕無或爽。紀算盡亡。陰曹奪命。刀筆亂俗。割肺復入誅心。淫詞害人。斷指並及破腑。離書則鋸解分身。揭帖則抽腸割舌。諸般惡報。皆其自招。如此慘刑。犯者誰免。陰曹之定此數罪者。其刑至巧。而其意至深也。吾今降此法文。深憫世人之無知。故不惜諄諄告諭。剴切詳明。讀者其敬之。畏之。悔之。改之。
羅生族人語 今蒙呂帝赦宥之恩。又得君等栽培。

此恩何日得報。外望君等將此文增刊回生書內。待其行世。我則可脫離地獄之苦。君等欲問幽冥之事。餘皆一體。只有刑罰則異。任爾聰明乖巧。總不能逃避。餘不敢多言。諸君休怪。
雲遊仙詩話 本境土地。可仍押解歸獄。速速莫誤。蓬萊海島一金仙。養心常在白雲間。聯吟桂花尋詩友。攜酒瑤池學醉仙。竹杖兩頭挑日月。葫蘆一個塞山川。來時飲酒去時醉。踏破迷途萬萬年。

東坡全集

卷二

三

--	--	--

